

T 5460/0644(16)

志壑堂詩集

餘後

下卷

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

志壑堂詩集餘後下卷
長
珠
木
天
見
如
馬
長

辛酉同遊倡和詩餘後集卷之下

哈佛大學漢和
圖書館珍藏印

長調

真珠簾

贈海木

唐夢賚

重崗複嶺顯史路。望天孫但見凍雲如絮。繫馬長
楊。記得前年來處。茅店鷄聲。渾似昨。度何曾瑤臺
仙署。村暮。但窮簷雀噪寒汀。鴈語。爲道同遊休
誤。豈王猷草草剡溪去。惆悵黃金臺。知幾多鴛鴦
三竺雙峰。雖不惡。肯便厭東華緇土。回顧念倚門

元鑑堂詩集 卷之六
人意汝爲霖雨

官橋泉小憩次放翁韵

吳陳琰

花驄踏遍高低路。怪枯楊寒到無綿無絮。路轉東
蒙。却入萬峯深處。梨棗枯林。泉瀧瀧。披斷碑遺名
猶署。烟暮。傍官橋殘照臨流坐語。豈戀利名身
誤。任匆匆車馬行人來去。暫爾走風塵。似江頭飛
鷺。到處山川休放過。恐便道終非吾土。相顧指鄭
公堂下。論文風雨。

水龍吟

舟阻丹徒

吳陳琰

南徐割據爭雄。笑來只似潮生滅。塔燈隱現。江聲
吞吐。如聞嗚咽。聒耳方言。驚心邪許。紛紛喧熱。更
旌旗影裏。將軍一怒。鉦鼓急。船先發。客子倚篷
命酒。望重關茫茫。愁絕。荻荒舊壘。草衰廢堞。消磨
英傑。烟際瓜洲。畫中隋苑。來朝評閱。只今宵。魂夢
要歸故國。先喚取南鴻說。

宿帆檣雜沓之間

唐夢賚

荒涼鐵甕城邊。夕陽斷岸遙明滅。藥囊病客。靚粧

遊女同聲嗚咽。銀燭方張。梳燈高掛。茶爐初熟。聽
舟人私語。晚潮將上。錦纜起。鳴鈺發。一望樓船
星火。似元宵。鰲山奇絕。仲謀安在。寄奴老矣。幾多
豪傑。虎鬪金陵。龍飛芒碭。閒書繙閱。剩畫橈。斷續
聲清款。乃但好對漁樵說。

綺羅春

紅葉

唐夢賚

花事闌珊。秋容索寞。一任雲欺風妬。青帝回鑾。詞
客又題紅句。似隋家。綠剪芳亭。如錢氏。錦纏官樹。

笑閒園小架茶蘼。鶯兒燕子。啣將去。畫堂羞說
富貴。知捕漁採藥。仙源何許。繡閣銀屏。那是漢宮
春譜。有封姨護住霓裳。和月姊。歌殘金縷。換人間
一片桃花。斜陽飛亂雨。

和張玉田韻紅葉

吳陳琰

冷占山村。艷宜荒野。不用紅裙爭妬。作意飄流。可
有御溝佳句。疑鶻血。滴盡寒枝。是夕照。醺將高樹。
短長亭。鋪做芳茵。江頭鎮日送人去。柏林漸覺
頭白。有蘆花共老。此情堪許。繡出微波。恰與錦機

同譜羞寂寞。芙蓉逞新妝。笑瘦損柳垂衰縷。認三春
滿地閒花。踏殘牛背雨。

泛清波摘遍

帆影和風米持

唐夢賚

橈歌乍引。錦纜徐牽。無恙秋風霽日好。半張高掛。
一棹行人遠。山小長干道。石尤困酒。建業乘風幾
度斜暉。諸事了。倚遍朱樓。捲盡湘簾。望斷閨少。
離襟渺。分隔河橋青幔。遮暗天涯碧草。歷歷新晴
映霞。宿霜拖曉。歸途杳。卸向夕陽沙灘。偏與雁鴻

同到。常被啣蘆驚怪。雲沉山倒。

帆影

吳陳琰

吳船越榜。霧柁烟檣。一紙暖風搖曳好。看看飽足。
引落平沙雁行小。憑誰道。潮低岸濶。漁沒波圓。疑
有疑無人去了。消受幾番南浦離情。老却年少。
亂雲渺。斜接啣山夕陽。遙映黏天野草。驚起眠鷗
夢回。畫中人曉。片痕杳。指點遠樹參差。難把歸魂
催到。想遍帶露披星。心旌顛倒。

望海潮

北固懷古

吳陳琰

髯孫戰罷寄奴滅後。幾多霸業全消。怒激海門。狂
奔鐵甕。大江日夜滔滔。狼石倚僧寮。嘆山川如此。
難問英豪。萬歲樓前千秋橋下。景蕭條。霜風木
葉吹凋。有沙鷗汀鷺。曾見前朝。殘照斷烟。零簫
管秣陵羅綺空。驕。兩點認金焦。待乘他巨浪。駕我
輕舸。明月多情。古今不改送歸潮。

金焦弔古次海木

唐夢賚

南徐舊事。南泠故蹟。幾回江長江消。牧笛吹風。楚

鐘敲月。東流何限。滔滔雪涕。弔雲寮。悵一堆黃土。
說甚賢豪。王謝衣冠。青溪冶葉與倡條。傷心粉
碎香凋。便歸巢燕子。怕問何朝。耀日金戈。臨春玉
樹。那堪六代荒驕。老衲也唇焦。總興亡餘恨。分付
漁舸。如帶蒼山。無情依樣打寒潮。

霜葉飛

蕪州別友人

唐夢賚

二秋彈指。曉鷄唱布帆。恰別魚市。西風凜烈。報新
霜。又蔚藍天起。莫尋常吳蒙相視。翛然舉趾。真佳

十憶戲罷龍舟早醉過蒲觴。冒雨着屐來矣。頗
 記犢鼻斜陽。未能免俗。銷夏水雪崑裏。禾城珠館。
 望銀河正月明疑水。笑八穀七人似駛。囊花峰頂
 隨仙子。笑平原稱豪飲。爭及洞庭小春紅紫。
 十日
 自一至
 寓意

丹陽道中次豹喆先生韵

吳陳琰

船牕遙指金烏現。估人喧滿村市。屹然高岸夾中
 流。似兩峯隆起。對鐵鎖重關雄視。興亡浩劫傷奇
 士。纔買酒新豐。正古戍烟荒。何處覓仲謀矣。須

記京口寒濤。石頭夜月。收拾款乃聲。裏舟車南北。
 往來頻嘆茫茫江水。起雲際破颿似駛。扣舷且讀
 蒙莊子。望平原飛鴉集。皂櫟林中。酣餘青紫。

百字令

贈王邁人先生次見贈舊韵 吳陳琰

布帆無恙殘陽掛。手把奇文冰雪。作客逢迎渾未
 慣。此去尚存吾舌。李廣難封。山公已老。相視情凄
 切。蕭騷心事。沉吟終自難說。坐聽道院吹笙涼
 颿暗度。桐子枝頭結。幾度倡酬真似夢。但看雨絲

風髮語欲驚人。字堪泣鬼。標格都全別。舊遊回首。
湖干曾惱啼鳩。

答豹岳先生

未知肝膽向誰是。一片照人霜雪。鐵骨至今渾不
改。截取諫臣之舌。秦漢錢刀。東南菽粟。民隱關心
切。飄然歸矣。京華舊夢休說。却憶風雪吳山相
逢恨晚。縞帶偏遲結。池館墨香。敲險韻。酒遍石衣
苔髮。竹筵停車。柳橋繫艇。同好難爲別。天涯小住。
遊人不要聞鳩。

萊蕪曉發

隣鷄何事又匆匆。喚起離人殘夢。濁酒停杯燈掛
壁。打疊征鞍相送。月隱疎林。星橫平野。驕馬金啣
美。亂山將曙。揚鞭猶怕霜重。遙指白雪高樓人
如故否。吟嘯情飛動。况復杜康泉可釀。片片脂香
銀甕。削取孤筇。蠟成雙屐。不學悲秋宋。來朝到也。
鄭公書帶先種。

和吳海木

唐夢賚

平生豪氣。敢輕易。便道芳蘭香雪。一臥滄江。驚尙

元卷之三 詩集 卷之十一 七
在始解齒剛柔舌。傾葢新知。班荆舊好。從昔偏關
切。江潭憔悴。不堪往事重說。自信龍性難馴。常
憐兒女。止識同心結。吾國乍逢黃叔度。生惜蹉跎
烏髮。寶劍猶埋。文星未耀。執手難成別。丈夫涕淚
漫聽林表鳴鳩。

觀劇演蕪張故事

縱橫前事。徘徊場上。銀戟牙旗如雪。誓海盟山都已
敗。堪笑蕪張。憑舌半碎貂裘。如拳相印。恩怨何悲
切。東秦西趙。漫勞此道陳說。咫尺无裂周原。載

金加幣。敢信諾。侯結翻手作雲。覆手雨。浩氣感生
黃髮。鬼谷藏書。函關建業。原自傳心別。瓊鉦鼓。
無聲脉脉聞鳩。

七夕

黃姑嘉會。鶴齡笑多分白頭如雪。微雨天街織女
泣。祇是詞人饒舌。慧業才郎。藥珠仙子。那定情妻
切。凡心忖度。兒童難與深說。傳道烏鵲銀河。巫
陽曾記。纒佩何年結。便說雙星傷薄命。依舊朱顏
鬢髮。早至填橋。晚來髡頂。却放回回別。不如歸去。

何妨畱住鷓鴣。

宿土門頭和海木

江山回首交一載。夜柝晨鷄如夢。竹樹千山舟一葉。虧煞雨欺風送。探桂鴛湖。尋僧響屨。聽徹漁簫弄。聯吟載酒。故人難忘情重。故園將歇征鞍。茅簷齋熟。還怕鐘聲動。三逕松筠今尚在。取次開嘗春甕。刮目吳蒙。問奇唐景。不是反騷宋。惟君勉矣。日邊紅杏親種。

木蘭花慢

再用吳梅村先生韻和海木

唐夢賚

瑤臺起舞罷。莫便唱大江東。笑曉月屯田。關西綽板。豈易相逢。喚醒蹉跎人世。但携樽踏破妙高峯。看遍秣陵山色。鶴林經卷。帆風更。鷓鴣竹樹浮空。少住。攬枯桐。想閉門土塋。橫江鐵鎖。惟問漁翁。六朝衣冠何處。有禪臺辱井。景陽鐘。肯負登臨弔古。淒涼漢栢秦松。

中秋前一日對月用韻

吳陳琰

捲簾新月上。雲擁出短牆東。怪年年秋雨。淒迷良

夜能幾回逢。迴思故鄉何處。但更闌夢斷兩高峯。
倒盡鸕鷀百杓。栖烏驚起悲風。越天高星斗凌
空。清露滴疎桐。想瓊樓玉宇。欲歸未得。絕似髯翁。
愁聽蛩吟不歇。柰烟深古殿。又聞鐘。只愛將圓魄。
魄振衣長嘯孤松。

霓裳中序第一

中秋對月

吳陳琰

舉頭忽歎息。月自團圓人作客。庭下暗飛木葉。正
斗轉參橫。漏催籌急。空階促織。却爲誰訴。盡悽惻。

秋剛半。清光如許。何事怨今夕。凝立碧闌干側。
待問取。銀河非隔。姮娥此意。未識甚。拄杖仙踪。乘
槎竒跡。夜烏飛又集。吹送過高樓玉笛。酒將醒。醒
來重醉。涼露滿襟濕。

寄謝張遽林侍郎招飲以客
歌折梅逢驛使故及之

唐夢賚

露濃蟲語息。別館張燈人宴客。那定倡條冶葉。但
促坐飛觴。管繁絃急。晚烟似織。隴頭聽曲心惻。梅
花發。故人何在。舊恨說茲夕。離立冰輪休側。早
怕道關河分隔。初逢還若乍識。况雨笠風巾鷺踪

鷗跡玉堂呼酒集。訴不盡山陽聞笛。燈再剪。夜涼
茶熟。莫遣征衫濕。

沁園春

題豹昂先生志壑堂
圖用辛稼軒韵

吳陳琰

溜水之間。誰氏園林。賦歸去來。想玉關投筆。空添
白髮。金門索米。徒逐黃埃。箚笠依真。葛巾元亮。世
態於君何有哉。行樂耳。看閒雲捲盡。倦鳥飛回。
著書兀坐空齋。更磊落胸襟。對酒開。况經綸泉石。
養魚放鶴。主盟花月。問竹評梅。百尺桐陰。千條柳

浪門外還分五畝栽。神遊處。願與之偕往。畫裏徘徊。
徊。

自題顧芥文爲余畫志壑
堂圖

唐夢賚

覽此閒園。林屋山塘。誰曾到來。好松間長柄。逍遙
浮世。山間斗笠。擺落纖埃。環堵三楹。柴桑五畝。豈
有平泉金谷哉。茆簷外。任鶯兒並轉。燕子雙回。
門前應畫蕭齋。又面面亭臺對竹開。有尙書來也。
題詞紅杏。英雄老矣。煮酒青梅。夏末晚菘。春初早
韭。分付園丁仔細栽。看歸去。借羊求二仲。香逕徘徊。

徊。

責書和周水持

書爾前來詳陳駢科細數禽蟲待訛成豕亥可憐
老宿幻成戈捺但困愚蒙認却皮毛嘗他糟粕驚
見真龍笑參龍漫期許但鑽研早夜咕嗶殘冬
千函萬軸皆空便蘓季懸梁不笑功看洋灑多篇
如魚斯駐銷歸無字俾殺而童芻狗陳言鑿輪緒
語媿自鉗青字句工爭相怪剝韜非法律孫武兵
戍

又代書答

書忽告余最愚維子時亦弋蟲憶前日龜璠平添
羲畫當年鬼哭鑿破鴻蒙牛斗占天干支紀日水
馬旋毛可似龍依稀記惟鳩鳴報曉星轉知冬
無端說有談空又面壁河車枉用功笑訪道名山
菜乎求益勒銘座右髦矣猶童方罫如棋圓圖似
蓋畫出先天是畫工且漫道有佳言比屑美語如
我

責書

吳陳琰

書爾何哉。纍纍蠅頭。皆蝌蚪蟲。甚言稱道德。休談
李耳。編分內外。莫問莊蒙。萬軸奚爲。五車無味。不
肯與雲類。畫龍笑春夏也。只宜射獵。豈獨秋冬。
真須咄咄書空。縱屈首窮經。未有功。請去而學劍。
青萍長價。徒然讀易。白首如童。無字存碑。投書有
渚。畢竟錢神計最工。吾休矣。效養魚范蠡。賣李王
戎。

戲代書答

嗟爾爲誰。終歲呶呶。音如草蟲。諒死談章句。嘲他

魯叟。精研史傳。許汝吳蒙。何假百城。應藏四庫。自
是潛龍。豈亢龍。憶當日有螢。牕永久。雪几隆冬。
名場勲業。非空。怪底事論。予罪與功。况詩成李泌。
曾呼小友。序傳王勃。不負神童。臣乃子虛。公原二
是。司馬凌雲。賦筆工。君須信。信吾家故物。全勝談
戎。

宿顏莊偶感

山結烟嵐。水凍冰澌。寒意漸深。看東蒙城外。樹無
殘葉。北邙塚畔。地有哀禽。馬度層岡。人投孤店。苦

茗香醪瓦罐斟粗眠穩。嘆勞人草草倦馬駸駸。
 當時早計如今料多少黃塵障眼。任三河年少。
 揮戈躍馬中原老子拖紫腰金。一卷離騷幾編腐
 史。吾輩斯文有賞音。燈殘矣聽郵亭霜柝寫我雄
 心。

疊前韵贈豹昂先生

水驛山程露宿風餐。客况已深甚終年馳逐南船。
 北騎。幾人遊冶社燕征禽。曾酒三杯齊烟九點七
 十名泉暢好斟。登車去怪寒威颯颯。行客駸駸。

不勞感昔傷今。只此際曾無雨雪侵。想仲連高節。
 聊城射矢。叔牙真契。歷下分金。而我來遊空留陳
 跡。欲聽簫韶太古昔。過般木問田何講席。千古同
 心。

同用陸放翁韵志歸意

唐夢賚

短焰燈檠微聲茶灶。良夜初深正青菰矮檝連嘶。
 征馬紅牆高樹早宿暝禽。小啓鴟尊頻烘獸炭濁
 聖清賢仔細斟。江湖裏憶孤篷邈邈雙騎駸駸。
 蹉跎怪到而今。恰落木陰森暮景侵。有歸裝縵縷。

圖書東壁同遊灑落大賂南金晨閣蛛絲晚簷雀
噪付與梅花報好音蕭齋上况松柯筠葉不改初
心

憶舊遊

梁父冰凝徂徠雲黯彈指冬深想觚稜孤館同聽
霜鴈臙舸雙棹並宿沙禽宴坐紅橋開尋青幔對
月臨江幾度斟淮河外又巾車軋軋獵騎駉駉
雄譚博古論今早撫景聯吟歲月侵記譚經臺畔
墳曾埋玉吹簫渡處瀨號投金賦疊縹緗思成陶

謝千載文場憶嗣音歸來後看西窻剪燭細說遊
心

貂裘換酒

答于鐵樵先生

吳陳琰

峩舸鳴鉦者泊離亭老魚吹浪雨絲飛酒一笑相
逢無非客暮色河梁堪畫文數卷露垂泉瀉不向
襄陽裁書去剔蘭釭訢盡肝腸話和氏璧孰酬價
匆匆握袂行旌挂試閒評燕臺竒骨千金駿馬
越使吳吟非凡調長嘯曠然樓下
先生曾寓吳山曠然樓有使越

詩
官酒美宵深。同把抵得故人陽關唱。有明珠四
照如星射。銀箭促二更也。

秋柳

人復何堪者。一絲絲態難勝舞。浪難禁酒。懊惱西
風催柳老。眉蹙倩誰重畫。鶯燕去。蟬聲哀瀉。別是
青青非春色。想永豐闌角風流話。可剩得縷金價。
南湖依舊長條挂。拂珠簾有人偷覷。少年盤馬。
輸却那時黃綿襖。三起三眠樓下。休折斷纖肢。
一把縱有寒鴉栖。難穩怕素娥青女交侵射。看到此

泫然也。

爲何醒齋宮坊悼清河君

萬樹霜飛者。爲君家悼。下淚血。紛紛紅酒。禱向青
溪小姑廟。可許芳容摹畫。聽不得雨鈴低瀉。纔是
白門烏啼歇。到西湖絮出多情話。玉已碎。舊時價。
招魂應有朱幡挂。夜茫茫知君夢斷。警聞鐵馬。
二十二年傷良友。癡倚水晶簾下。菱鏡在妝臺誰
把。休道安仁凋雙鬢。怕春郊媒雉還重射。烟水外
莫愁也。

自題停鞭拂劍圖小像

問爾何爲者。俯中原非儒非俠。襟期瀟灑。高臥菰
蘆無人識。典到偶然入畫。氣一似崑崙傾瀉。如此
行藏。欽寄甚。嘆許身稷契。成虛話。磨滅盡。連城價。
縱橫萬里。琴囊挂。解貂裘。旗亭貰酒。柳邊停馬。
姹女紅牙。翻新拍。腸斷夕陽之下。英雄淚。征衫盈
把。醉倚吳鉤。長天外。正星昏。月黑。寒光射。聊一笑。
夢中也。

誰謂栖栖者。捫吾胸。半生熱血。臨風頻灑。金鑄不
成絲。堪繡。莫待麒麟圖畫。飲百斛。長鯨吞瀉。說劍
談兵。兼搥鼓。猛回頭。儘是淒涼話。文有命。賦無價。
悠悠身世。何牽挂。愛逍遙。爲莊爲蝶。呼牛呼馬。
屈子史公。空悲憤。畢竟又居其下。廢萬卷。毛錐休
把。猿臂封侯。尋常事。縱藍田真虎。何勞射。遊倦矣。
盍歸也。

過西水感懷徐野君前輩

舊識幽栖者。嘆詩翁。老來情味。珠璣紛洒。襍被往
還胥山路。雪髯霜眉如畫。更似漆明眸。雙瀉。惜別

湖頭桃花港。夢西州。感動羊曇話。誰買賦。百斤價。
書樓不見簾帷挂。雁聲哀。向人低訴。素車白馬。
佳句曾教雲娘誦。孤負月前花下。徐有雲仙袂杳。
何緣重把。纔省蘭亭分今昔。笑歡場一箭流光射。
君縱死。尙生也。

舟至吳興卽景

絕似浮家者。別禾中。便經茗上。高懷清酒。菰葉荻
花秋蕭瑟。夾岸烟巒。畫况綠水菱塘。徐瀉樹樹
丹黃。濃於染。想西風有意。勾詩話。山可買。幾何價。

牙檣十幅蒲帆挂。問此中龜蒙佳茗。子昂名馬。
結個草龕成小隱。好傍窪樽亭下。多植取柳絲如
把。躡屩披簑。撈蝦去。笑豪奢公子。華林射。蒙叟輩
吾師也。

飲武康署齋

茗雪清遊者。暮雲低石根。繫纜露珠微。洒謾謾松
風山蒼莽。一路秋容疑畫。聽瀑布玉潭平瀉。偶過
東堂毛滂在。怪眉峯碧聚。傳詞話。貞曜句。洛陽價。
時刻孟東野集官閒壁有焦桐挂。虎踪消。春郊馴雉秋

林歸馬愛舞憐歌前溪妙。片片溪花飛下好。勸取
珀杯頻把。鶴唳三更催人醒。透踈牕一點金烏射。
揮手去扣舷也。

九日同豹喙先生登吳山小飲

莫算登高者。只吳峯重來扶屐。清樽澆酒。錯繡霜
林非前度。顛米癡黃難畫。江水濶海門衝瀉。破帽
儘教風吹去。笑叅軍好事留遺話。曾不值一錢價。
錦囊分付奚奴挂。更休談籬空采菊臺。傾戲馬。
南渡陵園荒榛滿。容我高眠松下。題糕句彩毫慵

把銷盡繁華斜陽影。但千家燈火層層射。昏黑路
下山也。

贈何醒齋太史

鼓枻而來者。大江南六朝佳麗。雨花霏酒。桃葉桃
根秦淮渡。一抹寒烟宜畫。潮海氣樽前齊瀉。舊是
荆高悲歌侶。剩衝冠怒髮談天話。謂豹喙先生償酒債。
量詩價。眼中不放纖塵挂。望長安無心索米。詆

諧金馬。臣朔偏饑侏儒飽。傲骨肯爲人下。陶令菊
採來成把。絲竹傷神中年後。照孤懷秋月澄潭射。

元寧堂詩集 卷之十
塵影事戲場也。

雨廳感懷先君子

坐擁寒氈者聽林蕉雨隨淚落隔窗分灑數載伶
仃思先澤怕檢遺書遺書燈黯黯銅壺聲瀉十月
嚴寒霜凄緊最心傷杖履湖山話慚寶櫝尙藏價
劍光衰艸原頭挂慰靈魂齊州書笈薊門鞍馬
牢記兒時傳經處酌酒桂叢塔下堂以北萱枝堪
把着我腐儒乾坤大任黃塵滾滾悲風射願破浪
壯遊也。

題元雪山山人畫爲豹出先生

笑絕丹青者只寒巒鴻濛墨氣霧騰烟灑此景江
南如江北除却董源誰畫松幾樹風濤疑瀉佛閣
山莊層層現指閒亭欠箇人間話須兌酒餘杭價
靈泉一道懸崖挂似曾看倏如飛電迅如躍馬
恰見唐公詩瓢在芒屨循坡而下桃竹杖溪頭牢
把許我入林同揮塵拚春來讀史秋來射呼欲出
斯人也。

留別談震方兼寄郭侯暨睿公兄

元壑堂詩集 卷之十
豈日無情者。臥湖濱。難除冶習。新詞揮灑。不怪壚頭歌塵絕。屏幃天然佳畫。浮大杓。鵝黃常瀉。年去年來孤吟久。得天涯。舊好殷勤話。共珍重。鷄林價。提壺且向寒柯挂。任紛紛。夢中蕉鹿塵中野馬。大笑出門張帆去。未肯寄人籬下。逢好景。竒書應把。回首菰城諸遊伴。定西園。飛蓋東堂射。不朽業。讓君也。

醉中書懷

倘若無人者。儘襄陽小兒拍手。山翁飄灑。五嶽吾

將窮遊屐。癡殺少文空畫。坐石磴。紅泉噴瀉。錢趙興亡都休訴。有青山笑對漁人話。更莫問。買愁價。扶來藤杖詩筒挂。浪誇他。章臺柳色。阿誰騎馬。挾妓徵歌情殊淺。夢斷真珠簾下。况近日。瘦腰如把。滿眼黃金何輕薄。怪華燈縱博。雕鞍射。從不合時宜也。

題吳海木小像次原韵
約遊維揚

唐夢賚

君豈窮途者。買扁舟。榜人纜解。雨師塵灑。茶灶筆床陶峴客。簾捲斜陽如畫。陽關賦彩毫。平瀉烟雨

樓高三塔寺聽西窻剪燭巴山話金龜換青帘價
蒯緱莫向雕鞍掛且消停南山射虎東臯繫馬
響屨香廊雷塘墓不過往來吳下採九畹芳蘭盈
把草就天人策數卷出菰蘆早向金門射吳季子
何人也

記夢

吾豈傷離者念生平滿腔是淚曾誰輕灑好事無
端凄穿甚幻人河梁圖畫王孫去鮫珠紛瀉望斷
津門道迫臨岐難說陽關話一時值千金價

征鳥還在山腰掛怨前途奔濤似象奔雲似馬
唱罷伯勞西飛句痴絕短長亭下揮雨泣杯殘難
把喚醒閒蓑舟子夢聽更籌正向銀壺射驚起纜
鳴鉦也

武康贈韓樾依

向歲昏高者上方山石湖病臥菊觴空灑隔歲支
離身尙在依舊滿船書畫還見此山橫泉瀉一豎
纏綿經旬住最酸心愁敘前時話參苓債難償價
客帆豈料今秋掛記來時健兒暴虎賢侯跨馬

一棹西風銅官路。分袂招提松下。誰道道茱萸重。
把湖上霜林催落葉。坐高峯一片寒潮射。人又過
前溪也。

觀海木詩再賦

誰與揮毫者。儘消閒龍賓潑瀋。藤笈飛灑。歌舞前
溪西風路。總入倪迂佳畫。凭運腕玉輝珠瀉。虎穴
防風深林裏。悄無人。莫與漁樵話。怕折損商於價。
暫停墨艇征衫掛。且休猜。蛛絲簷雀。燒龜打馬。
彈指禾城賓從事。細數萊衣堂下。雙桂樹濃香堪

把。頗記懸弧當日意。覆中藏不借東方射。早辦取
青鞋也。

候海木不至時將下姑蘓

隔歲歸來者。正清秋兩橈一葉。浪花輕洒。絲橘黃
橙霜樹紫。惟有洞庭堪畫。破巨浪湖光明瀉。一線
楓橋支硎路。訴百花洲上典亡話。劈噉足寧論價。
同遊不至征帆掛。對雙圖道衣巾烏。毳衣裘馬。
昨夜觀濤江頭去。看看午潮東下。銀鑿落定誰遲。
把。不過錢塘三五步。寫烏絲便向聊城射。莫望斷。

履聲也。

爲何第五同館悼亡

詎是無情者。攬君詞紛紛。珠淚似鮫綃。灑井日聲
中。梁鴻怨。捧冊分明讀。畫投贈句。雲流瓶瀉。無葉
法堂安禪侶。認指環。早是三生話。傷百斛明珠價。
蕙幃蛛網。憐遺掛。記辛勤。帳前銀鹿兒。前竹馬。
對泣牛衣。如今日。愁絕夕陽西下。腹輪轉。心旌難
把。早道青鸞終飛去。悔當時。悞向金屏射。曉霧濕
瑤臺也。

南湖秋柳

柳亦多情者。炤江潭。爲誰憔悴。雲搖風灑。盡日無
人靈和殿。虧煞香山描畫。祇消瘦。蟾光涼瀉。縱使
章臺長條在。怕風流。不是當年話。繫不住酒旗價。
年年秋老。斜陽掛。怨驚颺。駭濤拍浪。江豚海馬。
折盡陽關青絲短。望望銷魂橋下。情難盡。離觴初
把。搖落如今湖堤路。藏金丸。漫惹流鶯射。祝春色
倍還也。

雨中泊閭門念歸舟

纔是歸來者。泊旗亭。柝聲驛急。雨絲窻灑。愁見橫
橋飛青幔。打濕檣紗鷓鴣。渾疑是銀河明瀉。盡日
閉艙重衾擁。盡凄凉。不說堯年話。拚一醉。十千價。
武林有客雲帆掛。想舟人短篷高臥。疾於奔馬。
歷歷兩峯雙螺起。已過北新關下。遶窰窰淚珠盈。
把彈指。回橈姑蘇路。祝金烏。莫遣酸風射。人悵望
樽前也。

贈于子先儀部

越嶠相逢者。早驪歌渭城。細雨輕塵朝灑。遠下黃

河白雲句。不免旗亭一畫。驚潑墨海翻江瀉。豈是
張衡三都賦。筆如飛寫。斷離觴話。使越草新聲價。
詩瓢同向吳峯掛。憶前年雪宮共酒。牛山並馬。
向秀虞淵悲聞笛。回首黃公壚下。謂謝啓東 伶廿載深
杯重把。桃李狄門紛紛在。策天人爭向南宮射。應
上賞進賢也。

摸魚兒

禾城喜晤秋岳師

吳陳琰

記停橈。寺門三塔。相逢閒話秋思。夕陽黯黯。催人

渡吹送健颿如駛。公去矣。怪獨上吳峯。而我來吳水。漁歌聲裏。正烟鎖橫橋。月生高樹。清露灑衣袂。公歸也。別墅陶朱故里。鱸魚蓴菜。菰米買山事。了堪藏史。不爲蒲輪驚起。先生向寄予詩有山笑如買就將藏史句往事。笑只有高陽酒伴。堪同醉。客身似寄。看鏤管檀欒。匏觴徵逐。泛泛鐵舟繫。

倦圃雅集疊前韵

叩柴扉。金陀坊側。眼前歷歷佳思。琅玕萬個松千尺。倒映綠池清駛。觀止矣。愛暑石平橋。曲折穿流。

水人如畫裏。有白髮仙翁。烏衣子弟。來往共聯袂。裴王侶。擬賦輞川竹里。鶴糧那惜餘米。肯拋湖上鷗鄉夢。漫喚東山眠起。行樂事。縱承露金盤。不值村醪醉。予懷莫寄。柰晚際輕雲。弄晴做雨。錦纜又牽繫。

其二

落梧天。南皮遊讌。建安八斗才思。

倦圃侍郎重簾鎖閣

踈踈雨。倦鳥歸林。何駛客至矣。羨本德心如鐵石。情如水。豹品太史溪山景裏。見濯濯王恭。披來鶴氅。把

卷更揮袂。邁人方伯

佳公子。自是名駒千里。敬勝諸君

腰折辭米。頂斯詩賦。蠟雪大令清臣句。星期大令歌罷湘靈

錢起。耳信學使風雅事。有月旦。閒評博得人。皆醉。靜修屏

軀浪寄。問樓上清風。東陽瘦沈。腰帶可堪繫。止岳觀察

贈沈宏畧

少年場。談天說鬼。新來不敵愁思。徐陵客久。卓周

顛老。青士轉眼。颺馳雲駛。時晚矣。甚我輩。眉峯底事

攢秋水。隱侯句裏。總入咏拈來。四聲選就。可許奮

豪袂。貧非病。暫守城陰角里。聖俞何苦求米。儒

冠寧似從戎好。慚我兵家吳起。塵影事。想蠻觸功
名也。抵中山醉蓬萊。偶寄。儘聽鳥驚心。看花濺淚。
寶劍白虹繫。

倦圃師以諸公和詞見示

月波樓。酒甚飲否。露荷珠綴幽思。誰揮十幅雲藍
紙。筆不留行。犇駛。盡美矣。最好是倒流三峽詞源
水。相看夢裏。恍竹屋梅溪。玉田白石。重握數公袂。
將焉往。只有三何茂里。秣田自足香米。狂來羞
作雷同語。欲把昔賢呼起。今日事。君不見搔頭胡

粉陳王醉。脩然典寄。索泛遍五湖。再窮五嶽。解取
杖頭繫。

寄周青士

上元時。燒燈踏月。錢塘門外吟思。隔年冉冉中元
過。走兔飛鳥俱駛。愁甚矣。只往日頭顱。怕照西湖
水。兼葭影裏。想露白風清。伊人宛在。悵望幾褰袂。
幽居近。猶是竹垞梅里。竒踪曾隱。塵米黃金盈
篋。空揮畫。坐看水窮雲起。書怪事。剩百斛珠璣。難
換壚頭醉。雙魚不寄。知落落浮踪。西吳東越。何處

一瓢繫。

答豹巖先生

問誰歟。名都遍歷。抽毫得助竒思。匡廬五老諸峯
峻。十丈簾泉飛駛。心折矣。傍西子湖山。范蠡湖頭
水。英雄在裏。對幾樹冬青。諸陵遺骨。大笑展吟袂。
承明早。肯便角巾歸里。劍頭生怕炊米。長沙痛
哭終何益。還勸先生重起。無限事。誰信道。一丘一
壑。終朝醉。光陰客寄。偏樂我班荆。傲他垂組。此外
竟無繫。

感懷

驟聞聲。悲哉秋也。助人多少羈思。荷枯柳倦衰桐
落。但覺金飈催駛。雁度矣。拚海燕辭歸。客在鴛鴦
水。鏡奩光裏。却棹入珠宮。攜來螺女。搖曳弄霞袂。
敘朋好。無過南隣北里。彫胡煮出粳米。平生淚
眼非輕灑。未免有情提起。無事事。在世味酸鹽。消
得惜騰醉。悠悠皆寄。看霧鬣風髻。孫陽一顧。轅下
那能繫。

贈陳用直堯夫

遶城隅。綠陰如幄。春波搖蕩遊思。漁村蟹舍蘆花
港。鴨嘴小舸行駛。清絕矣。覩檣燕檣烏。蹴破銀塘
水。太丘宅裏。恰茶沸松濤。香飄篆縷。從事短衫袂。
板橋畔。斜接甜瓜巷里。紛紛小市爭米。阮家南
北。何貧富。頓使竹林興起。君輩事。料永嘯長吟。醉
了攬重醉。行藏漫寄。指放鶴洲邊。釣鰲磯下。兩兩
練裙繫。

答邁人先生

憶當年。宦情如夢。好山爭逐歸思。溇陽曾笑青衫

淚羽箭離弦真駛今醒矣剩一片臣心映徹澄泓
水鴛渚艇裏看讀賦書裙談莊揮塵吾欲舞吾袂
耽枯坐遯跡梅溪鄉里食貧也計鹽米長安一
局棋枰在數子丁丁敲起身外事都付與江山風
月閒人醉簪纓總寄倩獵獵青蘋吹將愁去磐石
釣竿繫

贈張擎菴前輩

認張星人問遊戲披襟豁盡塵思碧漪坊路行吟
慣鶴羽遼東歸駛八十矣似河上神仙槎坐滄溟

水奚奴囊裏見天日喬松徑山深竹蒼翠落烟袂
家無壁每念故交鄰里典衣特爲分米銀絲鬢
短瞳光爛青史從頭談起足了事看多少紅綾宴
上諸公醉寓言自寄約黃石從遊赤松作餌肘上
素書繫

答沈止岳觀察

是何來詞場飛將軒然傾動豪思從他青鏡斑鬚
髮馬上吟鞭偏駛堪樂矣閒占得陸居非屋舟非
水天南郡裏記香溯曹溪花探庾嶺擺落舊塵袂

雖爲客咫尺家園魏里秋成漸穫梁米花前自
按清歌拍鐵板銅琶齊起添快事便清酒三升未
必公真醉南牕高寄更細剪蓴絲輕籠鶴翅一棹
柳洲繫

豹畧先生夢趙韞退大叅有予在座因紀之

渺無端夢中說夢天風吹散懷思中原仕路江南
客兩地神魂馳駛忽聚矣休歎惜滔滔東去漳河
水分明箇裏有棨戟遙臨旌旗斜捲無恙故人袂
梁間月不隔青霄萬里釜炊難熟黃米龜茲半

胸心如失古殿一聲鐘起成幻事恍我亦追隨笑
語情俱醉新篇待寄看句滿唐瓢詩傳趙壁雁足
往來繫

答葉星期大令

射陽歸蕭然三逕一襟月照芳思塵途誰箇憐才
者馬足車輪空駛亦足矣何必學靈均獨泣湘江
水逢迎客裏道世棄君平君平棄世無復振遊袂
青氈在畢竟授徒闕里館人可給餐米嚇蠻罵
鬼錢神論新譜漁陽搗起麩蘖事騰抱甕高眠快

意隣家醉萍飄梗寄想楓冷吳江潮生震澤歸計也應繫

生日呈豹畧先生

猛回頭男兒墮地至今多感多思何當奮步雲霄上逐電追風之駛心壯矣聽匣底蒼龍日夜吟秋水漁樵話裏任鬢老英雄蠹殘書卷淚落掩青袂鄉關接目斷大槐門里仲由欲負親米江濤入夢眠難穩一舞聞鷄而起羞曉事便搔首問天無奈天長醉家書強寄說前度終軍明年鄧禹誰使

玉驄繫

贈古燈和尚

錫飛來金明丈室一燈照破禪思石頭路滑吾何慮慧舌衝鋒而駛參透矣在擊竹拈花吸盡西江水松風磬裏認殿角荒祠君家少伯暢好伴緇袂和尚本蒲團穩莫憶繁華帝里清齋自足菱花姓采壁間斷碣龍蛇蝕說法宰官紛起關甚事只白社栽蓮不戒陶公醉小箋託寄許頻過藍輿圖成三笑塵網敢縈繫

月夜起步庭中和海木

唐夢賚

射橫窗一星蟾影無端添我情思銀蟾試問誰驅
遣脉脉西飛空駛暑退矣看瀟酒桐陰薄露涼於
水紫霞宮裏恰浴鼓初收鯨鐘未發颯颯冷飄袂
人須記半載重來醉里畫船高載顛米瓊樓縹
緲通仙界此夜有誰能起塵世事抵多少金人沈
瀣聊成醉乾坤總寄好搗藥長生乘槎問渡便借
玉繩繫

飲倦圃贈曹秋岳侍郎

踏名園鴟夷湖側安排畫譜詩思吳山曾記初相
約回首流光如駛今到矣見樹隱池臺屐齒隨流
水晚香亭裏驚金粟將開芙蓉漸好藤刺怯鈎袂
此何處祇是東園綺里印沙聚石堆米林臯臥
穩蒼生淚畢竟再推公起眼中事聽賓從一溪一
曲遊心醉浮生似寄讓地上神仙山中宰相餘子
但匏繫

贈王邁人方伯

憶曲江題名畱別關山何限遙思蹉跎銀戟侵雙

鬢歲月電流星駛。余至矣。停畫舫。煙波無盡。鴛湖
水步虛觀裏。快呼友登床。尋僧命杖。蘭氣拂清袂。
說高隱。還在烏衣舊里。烹茶釀酒。蒸米使君風
雅。何人似。彷彿鄭僑。韓起。幽窗事。耽丘壑。年年紅
葉霜。楓醉閒情。暫寄。便下脚花林。轉身明月。一葉
豈縈繫。

贈葉星期明府

把吳鉤。牢騷心緒。話來不費三思。高談雄辨。驚人
句舌在。但愁追駛。公罷矣。邯鄲夢。晨鐘敲破。清如

水。射陽湖裏。想花亞琴床。朱封印匣。一棹早分袂。
留公住。聽我巴人下里。東方漫索饑米。春風欲
拂南枝動。自託鶯聲呼起。旅邸事。但傾倒。杖頭換
酒紅。亭醉浮名且寄。約響屨。廊前。郁佐墓上。金橘
看垂繫。

贈沈止岳觀察

問休文。五湖邂逅。何由頓發鄉思。養魚種竹。閒家
具。偏喜牙檣風駛。今返矣。雲帆掛往來。不離陶朱
水。斜陽棹裏。想庾嶺梅花。天南朱節。幾載息歸袂。

一
客再聚。把臂先生栗里。葛巾休漉。瓶米行吟多
少。傷心處。座上喟然而起。緣底事。曾打笑床頭阿
堵。還堪醉。扁舟偶寄。任鶴市凌風。雷塘吊古。渺渺
余懷繫。

與海木夜談

謝吳山重臨。攜李閒行。偏惹閒思。布颿五兩。秋風
外。獵獵南湖舟駛。人去矣。暢好是。汪倫唱徹桃花
水。誰知就裏。訪畫壁神仙。負薪太守。汗漫整遊袂。
不能幾步。似隔西陵萬里。鷄頭蝦菜。菱米蒼涼杯。

酌英雄淚。舊恨從前論起。些箇事。正孤館挑燈彈
劍。同沉醉。誰云旅寄。肯無價花驄。能詩畫舫。但向
酒壚繫。

感詠

說平生。雪濤銀浪。曾經叉手千思。金門回首。驚心
處。如馬望鞭行駛。嗟錯矣。着甚急。太行鳥道瞿塘
水。琵琶歌裏。聽寫怨隣舟。關情司馬。淚濕潯陽袂。
聊自問。敢道抽簪鳳里。巧炊生怕無米。古今一
部淒涼史。可自何編說起。堪笑事。度何苦灞陵射。

虎南山醉牢騷漫寄看曉入瑤臺雲來緱嶺誰剪
鶴翎繫

贈沈子宏畧

望延陵翩翩公子已驚七步陳思

謂海木

織簾讀易

逢麟士對客揮毫還駛余侈矣常恐是鎮鄒躍去
延津水論來箇裏怕吾子吹竽吾王好瑟未曳合
時袂相住處不出牛鳴一里袞衣待補龍米男
兒不是蓬蒿者自許扶搖同起眼底事且狂叫旗
亭畫壁輸羸醉菰蘆暫寄看燭地奎光橫天斗氣

歷歷市垣繫

答海木約同北歸

念長沙賈生流涕費人幾度沉思百年含笑縱橫
計但恐楸枰終駛子過矣肯學彼仰天抱石瀟湘
水徘徊徑裏看樹蕙三秋紉蘭百畝香草襲人袂
相期許肯過蓬門下里定交應在春米從前種
種從今後祇是從今初起杯底事無多酌我原在
醒非干醉臯橋且寄應無足窺園有人下榻皎皎
白駒繫

捫頭顱。生平骯髒。從無綺語經思。讀騷飲酒寧挑
糞。不諱圍棋真戲。噫醜矣。好畱得肝腸冰雪。心如
水。年來夢裏。但左拍洪崖。前追稽阮。右把浮丘袂。
香艷地。頻到錦塘半里。老能但識篩米。猶龍東
出西來意。曾問是何緣起。子夜事。有砂轉三車。騰
倒醞醕醉。視家似寄。便椎碎珊瑚。踢翻鸚鵡。從不
受縻繫。

燈下讀古詞有作同海本

怪名流。盈箱風月。不殊閨閣癡思。尤雲殢雨尋常
耳。箭射泥犁。偏駛吾恥矣。將紅葉題情。生割鴻溝
水。黃花句裏。便新婦磯頭。女兒浦口。依舊惹塵袂。
詞壘外。應退旌旗百里。廬陵試問殘米。夜來八
萬四千傷。何處返聞聞起。晚歲事。纔叅學木樨香
徹。山人醉。閨浮誓寄。讓清淨金身。廣長蓮舌。頓斷
赤繩繫。

道院夜雨聞秋蟲聲不寐

聞秋蟲。牆陰牆角。何緣偏惹人思。暝烟初動啾啾

出似訴斜陽歸駛良苦矣况復下漫天玉露銀河
水碧闌干裏憐霧重雲蘿涼生月砌如客御車
尋聲覓最是漁莊稻里行飄丹桂金米凄清蔓
草聽方斷又早瓜棚吟起夢子事便知已開樽燒
燭難成醉閒身本寄偏有恨寒蛩無情聽碎鎮使
旅心繫

夢趙韻退大叅相過同海木坐談

海茫茫碧天雲樹伊人何處馳思慈恩縹緲梁州
夢明月照顏尤駛真幻矣念檠戟中原那至滌湖

水黃梁髮裏見白社論交青氈敘故祇似舊聯袂
有佳士也共盤桓讓里辦糧細說輸米角巾道
服人如在喔喔鷄鳴驚起醒後事但踈雨梧桐促
織聲如醉尺書莫寄正王孟酬詩漁樵答話焉得
麗詞繫

壽海木

值佳辰同留天末望雲幾度回思憐余捧檄當君
歲三十餘年驚駛君至矣却悵望神龍尺蠖涔蹄
水縹緲架裏見無武隨何無材管樂攘臂短長袂

君且住。豈有君才百里。大農自蓄官米。圖南健
翮秋風外。且看乘雲搏起。傳聲事。恰道院吹笙舞
鶴瑤池醉。浮生豈寄。看偃嶽旋嵐。迴瀾倒峽。望與
赤霄繫。

送曉山和尚入如如菴

論禪宗。少林南嶽。青原分派行思。三花五葉。蘆江
上。早識馬駒騰駛。人遠矣。空遙憶法幢。成禡淨沱
水。如如觀裏。見布髮成帷。酒塵作雨。牽率共連袂。
詳家世。人住烏臺舊里。鳴鐘列鼎烹米。無端雜

髮匡廬社。每問具何心起。添故事。說丈室達磨。面
壁如沉醉。化城暫寄。羨智顛家風。天台教旨。一線
五燈繫。

贈周青士

仰濂溪。吟風嘲月。頽懷噬肯來思。梧桐道院金廳
冷。訪戴何緣回駛。疑去矣。似當日扁舟。冷落山陰
水。給孤寺裏。見縹緲香幢。斯琅竹篔。猶擬攬歸袂。
君便去。祇在梅花近里。桃源定泛胡米。筆床茶
灶。煙波外。知待何時帆起。真快事。誰能信懶真堂

上還同醉。蒯緱且寄好。細酌龍淵。高呼桂魄。笑指
酒星繫。

白苧

同用蔣竹山韻咏紅葉

唐夢賚

悵秋殘。正疑是千林木落。桐廬山下。又早風翻浪。
惡。照清江。那須鼓吹碧油幕。且喜畫橈中。圍錦樹。
一番歡躍。漫勞羯鼓。應有東皇商畧。遣仙人七七。
盡放桃花萼。非昨。石家步幃。王氏藍田。塗朱綰
紫。畫裏寒山瘦削。便得意。衡山多應輸却。孤舟容

與。任長年。嬾漫。空閒蓬索。何妨無事。好景良辰。故
故耽閣。酌酒同遊。對此休嫌薄。

和韻歸舟卽景

吳陳琰

穩眠梳。徐牽纜。歸帆卸落。殘星橫岸。呶啞曉鴉語。
惡。愛霜林。依然一片繡朱幕。况復水接藍。清可數。
百千魚躍。倚篷濯足。大似漁翁脫畧。指山家菊籬。
隱隱舒黃萼。如昨。經過驛館。漸近嚴陵。雙臺兀
峙。翠壁丹崖。倒削。忽白鷺飛來。避人驚却。吾徒容
與。對江上清風。幾曾蕭索。聽殘水碓。又見前村樹

杪樓閣莫計行程。嶺半斜陽薄。

瑞龍吟

嚴陵

唐夢賚

嚴陵路欲訪釣叟當年維舟江樹。重過百折山溪。灘高木落。茫無覓處。且延佇。可是荆扉深閉。樵村漁戶。還聞急瀨湯湯。市喧商集。阿誰與語。指點林巒霜葉。看來惟少鶯歌燕舞。却信敝裘凋零。物色非故。狂奴舊態。休笑君房句。付但與垂綸堅坐。負竿徐步。何事桐江去。桐君聊可譚心緒。繫纜青

楊縷晚風起。蕭蕭亂飛紅雨。遠山抹黛。凍雲飄絮。

和周清真真韵登釣臺

吳陳琰

嚴陵路最愛鴨綠清江。猩紅霜樹。船近七里灘頭。榜人指點。停橈此處。客閒好。恰是錦峯繡嶺。柴關松戶。攜筇憑弔荒祠。蔓艸全衰老。鴉亂語。說到雲臺勲業。釣臺嘯傲。魚龍潛舞。天子故人相看。高致如故。紛紛碑碣。誰似希文句。聽鳥踏滿坡黃葉。崎嶇徐步。便陟危崖去。江山總入悲秋緒。轉盡腸千縷。笑不少羊裘。一竿風雨。夕陽淺瀨。蘆花飄

絮。十二時

懷歸期

唐夢賚

倦歸來。烏檣憑几。市掩譙樓還早。觸情緒暗傷懷。
抱望斷天涯雲杳。隣舫鳴鈺。客帆掛月。逐征鴻多
少。偏延佇。錦纜橫波。蘭棹生根。斷送閭門昏曉。
客無事。紅橋一葉。良夜走靈岩道。響屨殘廊。琴臺
舊岫。一點青螺小。但荒榛廢井。宮娥曾與步遶。
更支硎。閒亭放鶴。萬笏朝天佳兆。若箇聯吟。徐陵

庾信搖筆抽思好。對江楓漁火。夢聽鐘聲人到。

泊吳門次豹畝先生韵

吳陳琰

別君來。雨逢烟縹。孤客乍驚寒早。返故里萬千愁。
抱五載先人魂杳。淚滴霜楓。心驚雲樹。天半飛鴻
少。空山裏。月冷烟昏。犬吠猿啼。苦被隣鷄催曉。
能幾時。墓門匍匐。又指青齊古道。問渡關津。迴橈
沙岸。臥看疎星小。恨石尤風阻。故人舊夢遶遶。
記此番。家園勝事。贏得姪兒前兆。弧矢情深。琴書
裝就。前路揚鞭好。怕蘓州惱亂。故故靈岩遲到。

多麗

贈海木用李高陽先生
韻時禾城中秋

唐夢賚

照溪山。月中玉樹愁攀。閒君家如輪巨斧。飄來瓊
屑斑斑。見銀河乘槎客到。望寶殿竊藥人還。纔躍
蘓門。早飛碧海。朱唇鬢髮露華殷。問何緣掛鈎懸
鏡。剛滿又初灣。止依舊西湖人在。更醉水顏。坐
雲階。天涯聚首。誰知老子癡頑。鷗鷺浦。我方就隱。
鳳凰池。君豈緣慳。夢破秦樓。眼高吳觀。將無決計
穆陵關。剪蘭膏。牙籤錦軸。甲夜許誰閒。君且看。廣

寒策杖。天上人間。

感懷

吳陳琰

記湖山。兒時竹馬追攀。對斜陽青青芳草。袖間清
淚痕斑。陟靈峯呼猿啼出。坐孤嶼放鶴飛還。陌上
青驄。樓頭紅粉。鶯嬌柳艷更花殷。斷腸人春來春
去。踏遍水雲灣。恐鑄錯六州之鐵。漸變朱顏。果到
而今。讀騷痛飲。不妨縱我愚頑。着征袍客懷方壯。
催遊騎天意寧慳。烟雨權歌。月波簫譜。可知詞賦
散江關。看紛紛五陵年少。裘馬幾曾閒。吾何事。夢

來。帝里。髣髴雲間。

哨遍

題莊曹圩四桂用蕪東坡韵

唐夢賚

童背錦囊。壺貯餘杯。小艇無塵累。問前村金粟正
飄香道。采菱和歌鄉是。叩華門綠天釀成香國。秦
松齷齪。皆孩稚。憐玉樹音停。瓊花觀萎。目中僅見
如此。似杏衫女。冠閉深扉。又翠羽釵頭碎。鶯飛占
斷秋光。約住名園。差強客意。從月姊奔來。靈根
親種。遺凡世。除作和玉鼎。人間無此佳味。曾舞罷

霓裳。搖殘兔魄。通身玉露。銀河水。囑公等休去。虹
橋咫尺。吾將自此仙矣。有同遊抵掌話昔時。道
湖上朝川。試訪之。見槎枒。歲年難計。天風亂落金
屑。快飲稱豪事。更探東廓。柴家綠幄。跪地垂絲共
醉。一秋好事。盡看花。謝鴛湖。吾已觀止。

南湖醉中作

吳陳琰

天上謫星。偶墮塵寰。物態焉能累。遊戲間芥子納
須彌。暫離家誰云非是。結伴來澎湖。小舟上下。癡
頑壯歲。如童稚。縱邸第連雲。笙簫達旦。吾儕何用

愁此看家家簾閣掩朱扉。又天半哀鴻傍人飛。閱
盡韶光。春去秋來。幾曾着意。便踏遍九州。不知
身在人間世。金紫非所戀。無過煨芋滋味。任屠狗
通侯。爛羊都尉。茫茫盡付東流水。只杖履同遊。琴
樽自得。行吟亦足豪矣。笑故園抱膝。彼一時對
此景。軒乎狂舞之。放胸懷形骸休計。關門較書何
益。那更思前事。看予到處。百錢掛杖。博取當壚一
醉。麗農山外是吾鄉。且休休。踏爾而止。

鶯啼序

詠潯陽琵琶故事憶彭
湖舊泊

唐夢賚

前年蠡湖泛棹。近蛟宮蟹戶。臨湓口。問訊琵琶。寂
寞帆卸江暮。晚風悄。江豚拜水。月來惟照匡廬樹。
正清秋。時節蘆花。依舊飄絮。心事闌珊。隣舫徧
聽。但停雲屯霧。念相識。冶葉倡條。閒愁還掛情素。
紅牙板。低歌淺飲。醉鄉夢。衣篝香縷。倏鳴榔。一陣
驚鴻。兩行飛鷺。香山老子。莫嘆勾欄。浮生本逆
旅。請試看。雕梁纔換。燕子營巢。花榭將成。鶯兒啼
雨。華簪早棄。朝衫輕脫。蘭橈竹笠。閒家具。有漁翁

笑指斜陽渡。流光轉眼。翠鈿零落。青山寶髻亂掩
黃土。紫雲堂上。碧玉樓中。多少翻輕苧。堪笑傲
吹笙縵嶺。鴻怨初彈。鼓瑟雍門。蠻靴新舞。達人瀟
洒。迷人幽怨。茫茫回首。邯鄲道。恐鷄皮憔悴難支
柱。試尋舊事秦淮。結綺臨春。還如故否。

題白香山琵琶行後用
吳夢廳韻

吳陳琰

浮名古今一夢。且擁書閉戶。流光迅。哀樂無端。莫
待駒影催暮。偶追憶。潯陽舊話。黯然獨倚衰梧樹。
歎才人淪落。宦情總如風絮。見說秋宵。送客溢

口。障船頭薄霧。覓絃管。醉不成歡。別懷難寄。毫素
忽。鷓鴣絃彈來水面。似搖曳。垂楊千縷。暗尋聲。喚取
佳人。怕驚眠鷺。半灣邏紗。催近樽前。相看盡客
旅。又細訴。從頭幽怨。曲罷沉吟。記得當年粉雲香
雨。教坊塵冷。商人夢杳。含羞老大添離思。轉恹恹
腸斷。津亭渡。前歡何在。名花如此。飄零猶戀。洛下
鄉土。檣烏叫過。沙雁鳴殘。想歌翻白苧。誰解道。
左遷司馬。憔悴紅妝。一樣傷心。停歌止舞。淚隨蠟
炬。青衫濕透。荻花楓葉。淒涼景。一聲聲。付與沉檀

桂餘情應在江頭月冷風酸尚堪聽否

玉露何期濕有珠林一林過小新烟出我氣甜微

隊士 餘息再鼓過孤無幾然烟歸白草霜

孤獨對亭對前林亦亦谷外吹山腰零露餘怨谷不

雨焚衣濕冷商人夢不

秋又味看鈴頭幽淡曲野武何晴掛當平秋雲吞

非人前燕眼濕 半新數雙鈴投舞前味香露寒

秋離絲草來木前以餘更番對千絲韻香聲地

口可離更舞露夜絲管相不風樣似對數寄亭

